



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

Dominica XXI.

**urn:nbn:de:hbz:466:1-35233**

in particulari, sunt spei, & quoad nos incerta; quoad Deum, & in se, certa.

## DE SPIRITU SANCTO.

### DOMINICA XX.

#### QVÆSTIO LIII.

*Quid credis de Spiritu Sancto?*

RESP. Primum, quod sit verus *coequalis*, & *coæternus* Deus cum æterno Patre & Filio<sup>a</sup>. Deinde, quod *\* nobis* quoque datus sit<sup>b</sup>, ut *† nos* per veram fidem, Christi & omnium eius beneficiorum participes faciat<sup>c</sup>, *\* nos* consoletur<sup>d</sup>, & *† nobiscum* in æternum maneat<sup>e</sup>.

<sup>a</sup> 1. Ioh. 1. 7. Act. 5. 3. 4. <sup>b</sup> Act. 2. 17. 18. ex Ioc. 2. 28. Act. 2. 39. <sup>c</sup> Rom. 8. 9. 1. Cor. 12. 3. Eph. 3. 16. <sup>d</sup> Ioh. 15. 26. <sup>e</sup> Ioh. 14. 16. 17.

<sup>b</sup> Act. 2. 17. 18. Et erit in nouissimis diebus, effundam de spiritu meo super omnem terram: & prophetabunt filij vestri, & filia vestra: & iuvenes vestri visiones videbunt, & seniores vestri somnia somnabunt. 39. Vobis enim est repromissio, & filijs vestris. & omnibus, qui longe sunt, quoscumque aduocauerit Dominus.

RESP. <sup>b</sup> Fidem hæc inferunt, sed non specialem. Adeo multi sunt vocati; pauci vero electi. Sequentia similiter.

<sup>c</sup> Rom. 8. 9. Vos autem in carne non estis, sed in spiritu: si tamen spiritus Dei habitet in vobis. Si quis autem spiritum Christi non habet, hic non est eius. 1. Cor. 12. 3. Nemo in spiritu Dei loquens dicit anathema Iesu. Et nemo potest dicere, Dominus Iesus, nisi in spiritu sancto. Eph. 3. 16. Det vobis secundum diuitias gloriae suae virtute corroborari per spiritum eius in interiorem hominem.

RESP. Hæc in genere sunt fidei & certæ

## DOMINICA XXI.

### QVÆSTIO LIV.

*Quid credis de Sancta & Catholica Christi Ecclesia?*

RESP. Credo, filium Dei<sup>a</sup>, ab initio mundi<sup>b</sup> ad finem usque<sup>c</sup>, sibi ex vniuerso genere humano<sup>d</sup>, *visibilem* Cœtum ad vitam æternam electum<sup>e</sup>, per Spiritum suum<sup>f</sup>, *merita*, & verbum<sup>g</sup>, in *Sacramentis* & *vera fide viuua* contentientem<sup>h</sup>, colligere, *sub vno in terris Capite Papa*, tueri ac seruare<sup>i</sup>: meque viuuum eius Cœtus membrum esse *debere ac posse*<sup>k</sup>, & perpetuo mansurum<sup>l</sup> *sperare*.

<sup>a</sup> Eph. 4. 11. 12. <sup>b</sup> Luc. 11. 49. 50. 51. Gen. 4. 4. 5. Gen. 4. 26. Gen. 8. 20. Gen. 12. 81. Gen. 26. 25. & 35. 7. <sup>c</sup> Matth. 28. 20. 1. Cor. 11. 26. <sup>d</sup> Pl. 2. 7. 8. Apoc. 5. 9. <sup>e</sup> Rom. 8. 28. 30. Ioh. 10. 26. 27. 28. 1. Petr. 2. 9. <sup>f</sup> Rom. 15. 17. 18. 19. <sup>g</sup> Ro. 15. 17. 18. 19. <sup>h</sup> Eph. 4. 4. <sup>i</sup> Eph. 4. 13. <sup>j</sup> Mat. 16. 18. <sup>k</sup> Ephes. 2. 19. 20. 21. 22. <sup>l</sup> Plal. 23. 6. 1. Cor. 1. 8. 9.

RESP. Hæc autoritates sonant sapiuntque, vt similes supra.

### QVÆSTIO LV.

*Quid sibi vult Communio Sanctorum?*

RESP. Primum, quod vniuersi & singuli credentes, Christi<sup>a</sup> & omnium

R r nium

nium eius bonorum <sup>b</sup>, ac *Sanctorum in caelo & in terra*, tanquam ipsius *membra* <sup>c</sup>, communionem <sup>\*</sup> *habere possint ac debeant*. Deinde, quod singuli, quæ acceperunt dona, in commune commodum & vniuersorum salutem promptè & alacriter conferre debeant <sup>d</sup>.

<sup>a</sup> 1. Ioh. 1. 3. <sup>b</sup> Rom. 8. 32. Ioh. 1. 16. <sup>c</sup> Eph. 5. 29. 30. Col. 2. 19. <sup>d</sup> Ephes. 4. 15. 16. 1. Petr. 4. 10.

### QVÆSTIO LVI.

*Quid credis de Remissione peccatorum?*

<sup>†</sup> *meorū*. RESP. Deum propter satisfactionem Christi <sup>a</sup>, <sup>†</sup> *nostrorum peccatorum*, atque illius etiam *originalis* prauitatis, cum qua mihi per omnem vitam pugnandum est <sup>b</sup>, <sup>\*</sup> *maculam* omnē deposuisse <sup>c</sup>, & <sup>†</sup> *nos* iustitia Christi gratis donare <sup>d</sup>, ne vquam in iudicium <sup>\*</sup> *damnationis* veniamus; nisi *relapsi & impenitentes* sequi mereamur.

<sup>a</sup> Eph. 7. <sup>b</sup> Psal. 103. 3. Rom. 7. 24. 25. Ro. 8. 1. <sup>c</sup> Ierem. 31. 34. <sup>d</sup> Rom. 3. 24. <sup>e</sup> Ioh. 5. 24. Roan. 8. 33.

<sup>b</sup> Psal. 102. 3. *Qui sanat omnes infirmitates tuas*. Rom. 7. 24. *Quis me liberabit de corpore mortis huius? Gratia Dei per Iesum &c.* Igitur ego ipse mente seruo legi Dei; carne autem, legi peccati. Rom. 8. 1. *Nihil ergo nunc damnationis est ijs, qui sunt in Christo Iesu, qui non secundum carnem ambulant.*

<sup>b</sup> RESP. Morales sanat defectus; non autem naturales, in quibus est & Concupiscentia; quæ mors est non actualiter, in se, sed occasionaliter, inclinans ad peccandum. In qua iusti se habent passiuè & inuo-

luntarie: Et sic vitæ est, non damnationis. <sup>c</sup> Ier. 31. 34. *Omnes cognoscunt me à minimo eorum vsque ad maximum, ait Dominus: quia propitiabor iniquitati eorum & peccati eorum, non memorabor amplius.*

<sup>c</sup> RESP. Propitiatio delet peccatum; ac memoriam eius etiam obliuio: non tegit solum.

<sup>d</sup> Rom. 3. 24. *Iustificati gratis per gratiam ipsius, per redemptionem quæ est in Christo Iesu.*

<sup>d</sup> RESP. Vt supra quaest. 21.

<sup>e</sup> Ioh. 5. 24. *Qui verbum meum audit & credit ei, opere & veritate, qui misit me, habet vitam æternam, & in iudicium non venit, sed transit à morte in vitam.*

<sup>e</sup> RESP. Venit tamen in iudicium discussionis.

Rom. 8. 33. *Quis accusauit aduersus Electos Dei, Obdormientes in pace?*

### DOMINICA XXII.

### QVÆSTIO LVII.

*Quid te consolatur Resurrectio carnis?*

RESP. Quod non tantum anima mea si iusta fuerit, postquam è corpore excesserit, è vestigio <sup>a</sup> *aut per Purgatorium* ad Christum, suum Caput, assumetur <sup>b</sup>: verū quod hæc quoque caro mea <sup>c</sup>, potentia Christi <sup>d</sup> excitata <sup>e</sup>, rursus animæ meæ vnietur <sup>f</sup>, & glorioso corpori Christi conformabitur <sup>g</sup>, si beatur; secus si damnatur.

<sup>a</sup> Lu. 23. 43. Apoc. 14. 13. Lu. 16. 22. <sup>b</sup> Eccl. 12. 7. Philip. 1. 23. <sup>c</sup> Iob. 19. 25. 26. 27. 1. Cor. 15. 53. <sup>d</sup> Ioh. 5. 28. 29. <sup>e</sup> Ioh. 6. 39. 40. <sup>f</sup> Ezech. 37. 5. 6. <sup>g</sup> Philip. 3. 21. 1. Cor. 15. 42. 43.

QVÆ-